

КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ

ЖАМИЯТ

№ 46 (681)
2019 йил
29 ноябрь,
Жума



2006 йил 31 августдан чоп этила бошлаган



www.bong.uz



jamiyatgzt@mail.ru



«БИЗ КЕЛАЖАК УЧУН ЖАВОБГАРМИЗ!»



Халқ демократик партиясининг дастлабки 12 қадами



**ҚИСКА
САТРЛАРДА
ЎҚИҢ!**

Қонунчиликка кўра, муайян яшаш жойига эга бўлмаган шахсларнинг ҳуқуқлари, эркинликлари ва қонуний манфаатларини ҳимоя қилиш мақсадида Ички ишлар вазири томонидан реабилитация марказлари ташкил этилади.



«Ой бола»даги той болалар



Ижтимоий тармоқдаги «қармоқ»



Фавқулодда ҳолатлардан эҳтиёт бўлинг!



O'zLiDeP: «Янги Ўзбекистонни биргаликда қурамиз!»

2003 йил 15 ноябрда Тадбиркорлар ва ишбилармонлар ҳаракати — Ўзбекистон Либерал-демократик партиясининг илк таъсис съезди ўтказилган. Ўтган ўн олти йил ичида ушбу партия уч карра парламент ва маҳаллий кенгашларга ўтказилган сайловларда етакчи, уч марта партиядан кўрсатилган номзодлар Президент сайловларида голиб бўлди. Бугунги сиёсий жараёнларда ҳам ўзининг юксак гоёлари билан курашга кирди.

2016 йил декабрда Президент сайловида партиядан кўрсатилган номзод — Шавкат Миромонович Мирзиёевни халқимиз яқдиллик билан қўллаб-қувватлади.

Ўзбекистон ўз тараққиётининг янги — миллий юксалиш, яъни мамлакатимиз тараққиёти, халқимизнинг ҳаёт даражаси ва турмуш сифатини ҳар томонлама юқори босқичга кўтариш босқичига даял қадам қўймоқда. Барча соҳаларда модернизациялаш, инсон ҳуқуқ ва эркинликлари, қонун устуворлигини таъминлаш асосида Ўзбекистоннинг янги, демократик қиёфаси яратилмоқда. Давлатимиз, эл-юртимизнинг салоҳияти ва куч-қудратига таяниб, табиий бойликларимиздан оқилона фойдаланиб, партия ўз олдида қўйган эзгу мақсадлар сари изчил қадам ташламоқда. Шундай халқчил, шиддатли ислохотлар даврида партия мамлакатимиз сиёсий майдонида мустаҳкам ўрнини эгаллади.

O'zLiDeP Сайловолди дастуридаги 5 та йўналиш бўйича устувор вази-фаларни белгилаб олди. Ҳаракатлар стратегиясидаги ислохотлар йўлини оғишмасдан, қатъий ва изчил давом эттириш, эркин, демократик, инсонпарвар давлат қуриш, фуқаролик жамиятини шакллантириш, Ватанимиз иқтисодий қудратини юксалтириш ва янада раванқ топтиришни ўзига асосий дастуриламал деб билган.

Биринчи йўналиш:

— истиқболда изчиллик билан сайловларнинг пропорционал тизимига ўтиш, «Электрон парламент» ва «Электрон халқ депутатлари кенгаши» концепцияларини ривожлантириш;
— бошқарувнинг бозор механизмла-

рини кенгайтириш. «Электрон ҳукумат» концепциясини изчил амалга ошириш;

— «рақамли ва ахборот жамияти» шаклланиши шариғида давлат ва жамият бошқаруvinинг барқарорлигини, давлат органлари ва бошқа ташкилотлар ўртасида давлат-хусусий шерикчилигини ривожлантириш учун қулай шарт-шароитларни шакллантириш;
— давлат хизматида замонавий фикрлайдиган, янги тафаккурга эга ёш авлод кадрларни жалб этиш, бошқарувнинг инновацион, янада мослашувчан моделла-рини, шу жумладан, лойиҳа моделини (Agile, Scrum, Kanban, PRINCE2 ва бошқа) ишлаб чиқиш ва жорий этиш.

Иккинчи йўналиш:
— судлар мустақиллигини амалда таъминлаш учун бошқа ҳуқуқни муҳофаза қилувчи органларнинг ортиқча ваколатларини оптималлаштириш, вилоятлар миқёсидаги судларни бирлаштириш йўли билан ягона суд раиси бўйсинувига ўтказиш;

— жиноят қонунчилигини қайта кўриб чиқиш, халқаро амалиётни чуқур ўрганиб, демократик ва либерал қонунчилик тамойилларига мувофиқ бўлмаган миллий жиноят қонунчилигимизнинг санкцияларини инсонпарварлик тамойиллари асосида либераллаштириш-ни изчил давом эттириш;
— адвокатура соҳасига аралашувлардан бутунлай воз кечиш, адвокат макони олиш учун қўйилган стажировка муддати ҳақидаги талабни бутунлай бе-

кор қилиш;

— нодавлат нотариатни кенг йўлга қўйиш, нотариатда квота деган эскича, ўзини оқламаган қараш ва тизимдан бутунлай қутулиш, нотариал ҳаракатларнинг масофадан туриб, интерактив — электрон хизмат кўринишидаги фаолият соҳасини кенгайтириш;

— олий юридик таълим даргоҳларини кўпайтириш.

Учинчи йўналиш:

— тадбиркорликка оид барча қонун ва қонуности ҳужжатларини тўлиқ инвентаризация қилиш ва унификациялаш ҳамда Тадбиркорлик кодекси лойиҳасини ишлаб чиқиш;

— Ўзбекистоннинг «Бизнесни юри-

тиш», глобал рақобатбардошлик, инновациялар, саноатнинг рақобатбардошлиги индекслари бўйича дунёнинг етакчи 50 мамлакатга қаторидан ўрин эгаллашнинг таъминлаш, 2030 йилгача иқтисодиётда саноат улушини икки баробар ошириш;

— инвестиция фаолиятига оид 10 га яқин қонуларни унификациялаш, инвестиция лойиҳалари ҳужжатларини ишлаб чиқиш, экспертизадан ўтказиш ва тасдиқлашнинг соддалаштирилган тизимини жорий этган ҳолда ягона Инвестиция кодекси лойиҳасини ишлаб чиқиш;

— қишлоқ ҳўжалиги кластерларини, кўп тармоқли фермер ҳўжаликлари-ни, қишлоқ ҳўжалиги маҳсулотларини сақлаш, ишлов бериш, транспортда ташиш ва сотиш (экспорт қилиш) бўйича кичик ишлаб чиқариш корхоналари («қишлоқ ҳўжалиги хаблиари») тармоғини ривожлантириш ҳамда «Кластерлар фаолияти тўғрисида»ги қонун лойиҳасини ишлаб чиқиш;

— жаҳон «Тўртинчи саноат инқило-



би» арафасида турган бир паллада Ўзбекистоннинг рақобатбардошлигини ошириш, мамлакатнинг инновацион тараққиётини жадаллаштириш, «билимлар иқтисодиёти» ва «рақамли иқтисодиёт»ни ривожлантириш;

— «Ҳар бир оила — тадбиркор» деган олижаноб ғояни изчиллик билан ҳаётга татбиқ этиш, жамиятда фаол тадбиркорлик маданиятини шакллантириш, «Тадбиркорлар академияси»ни, соҳага қизиқаётган ёшлар учун эса консалтинг марказларини ташкил қилиш;

— 2020 — 2025 йилларда республикада хизмат кўрсатиш соҳасини ривожлантириш стратегиясини ишлаб чиқиш;

— илмий-техник ишланмалар натижаларини ишлаб чиқаришга татбиқ қилишни тезлаштириш ва инновацион маҳсулотларни халқаро бозорга чиқариш тизимининг барқарор занжирини яратиш ва ривожлантириш мақсадида

«Венчур тадбиркорлиги» ёки «Венчур молиялаштириш тўғрисида»ги қонун лойиҳасини ишлаб чиқиш ва қабул қилиш;

Тўртинчи йўналиш:

— аёллар ва ёшлар тадбиркорлигини ривожлантириш эвазига иш ўринларини яратишнинг комплекс чора-тадбирларини ишлаб чиқиш;

— ёшларга доир давлат сиёсатини оғишмасдан давом эттириш;

— ёшларимизнинг мустақил фикрлайдиган, юксак интеллектуал ва маънавий салоҳиятга эга бўлиб, дунё миқёсида тенгдошларига ҳеч қайси соҳада бўш келмайдиган инсон бўлиб камол топиши учун бор куч ва имкониятларни

сафарбар этиш;

— профессионал ва хусусий таълимни изчил ривожлантириш;

— соғлиқни сақлаш тизимини дунёдаги илғор позицияларга олиб чиқиш, унинг инновацион ва инсон капиталини кўпайтириш, давлат-хусусий шериклик тамойиллари асосида тиббиёт сифатини тубдан яхшилаш;

— хусусий мактабгача таълим муассасалари тармоғини кенгайтириш, профессионал хусусий таълимни янада ривожлантириш «бутун умр давомида таълим олиш» концепциясини жорий қилиш;

Бешинчи йўналиш:

— диний экстремизмга қарши кураш сиёсати, энг аввало, «Маърифат билан — жаҳолатга қарши», «Маърифат ва таълим — тинчлик ва бунёдкорлик йўли» тамойилларини ҳаётга изчил татбиқ қилиш асосида олиб борилишини қўллаб-қувватлаш;

— мамлакатимиздаги турли миллат ва элатлар, фуқаролар тотувлиги, ўзаро ҳурмат ва меҳр-оқибат муҳитини кўз қорачигидек асраш;

— юртимизда виждон ва эътиқод эркинлиги, турли миллат вакилларининг ҳуқуқларини тенг кафолатлаб, диний багрикенглик муҳитини мустаҳкамлаш;

— диёримизда 130 дан зиёд миллат ва элат вакиллари ўзаро ҳамжиҳат яшаши, мавжуд барча конфессияларга мансуб диний ташкилотлар эркин фаолият юритишига амалий ҳисса қўшиш;

— жамиятимиздаги ўзаро дўстлик ва ҳамжиҳатликни янада кучайтириш, қайси миллат, дин ва эътиқодга мансублигидан қатъи назар, барча фуқаролар учун тенг ҳуқуқларни таъминлаш.

Ўзбекистондек жаннатмонанд юртда яшаш, халқимизнинг бахту саодатига шерик бўлиш, ҳеч шубҳа йўқки, ҳар бир партия аъзоси зиммасига жуда катта масъулият юклайди. O'zLiDeP сайловолди платформаси учун «Мақсадимиз ойдин ва унга эришишнинг аниқ йўллари билан», «Халқ бой бўлса, давлат ҳам бой ва қудратли бўлади» каби эзгу мақсадлар широр қилиб таянлагани бежиз эмас. Бутун O'zLiDeP Ўзбекистоннинг сиёсий саҳнасида энг кўп аъзо ва тарафдорларига эга бўлган, фаровон ҳаётни таъминлашда етакчи роль ўйнайдиган халқчил партияга айлана олди. Шундай экан бўлажак сайловларда партия 754 мингдан зиёд аъзолари, асосий ғоя ва мақсадларига хайрихоҳ миллионлаб юртдошларига ишонади.

O'zLiDeP матбуот хизмати.



Сайловга тайёргарлик кўриш ҳамда уни ўтказишга доир барча тадбирларда бошқа давлатлардан, халқаро ташкилотлардан кузатувчилар иштирок этиш ҳуқуқига эга.

Халқ демократик партиясининг

дастлабки 12 қадами

Ўзбекистон Халқ демократик партияси 2030 йилгача мамлакатимизда ижтимоий демократик давлат асосларини шакллантиришни ўзининг асосий дастурий мақсади, деб белгиларди.

Сайловлардан сўнг Қонунчилик палатаси ва халқ депутатлари Кенгашларидаги депутатларимиз яқин 5 йил ичида ушбу мақсадга эришиш йўлида қуйидаги 12 қадамни амалга оширишни мақсад қилди.

✍ **Пенсиялар, нафақа ва бошқа ижтимоий тўловлар расмий белгиланган яшаш минимумидан кам бўлмаслигини таъминлаш, бу борада конституциявий меъёрларни амалга оширишга интиламиз.**

Парламентдаги фракциямиз ҳар бир инсоннинг биринчи галдаги ҳаётий эҳтиёжларини тўлақонли қаноатлантиришни таъминловчи истеъмол саватчаси қиймати асосида яшаш минимуми тарифини қонун билан мустаҳкамлашга эришади.

✍ **Биз давлат ҳар бир инсоннинг ҳаётий зарур ижтимоий хизматлардан бепул фойдаланишини қонунчилик даражасида ва реал ҳаётда қафолатлашни истаймиз. Шу орқали фуқароларнинг таълим олиш, соғлиқни сақлаш ва тиббий ёрдамдан фойдаланиш, уй-**

жой, ижтимоий ҳимоя, маданий ҳаётда иштирок этиш ва малакали юридик хизматдан фойдаланиш ҳуқуқлари қафолатланади.

✍ **Партиямиз эҳтиёжманд аҳоли қатламининг қўндалик зарур товар ва хизматлардан фойдаланишни таъминлаш учун курашади.**

Ана шу мақсадда партия, илғор халқаро тажрибадан келиб чиқиб, кам таъминланган аҳоли қатлами учун қўндалик зарур товар ва маҳсулотларни арзон нархларда сотиш бўйича ижтимоий дўконлар тармоғини ривожлантиришни ҳам режалаштирган.

✍ **Парламентдаги фракциямиз БМТнинг Ногиронлар**



данига юклайдиган коммунал хизматлар етказиб берувчиларининг монополиясига барҳам беришни кўзлаганмиз.

Халқ депутатлари Кен-



уйлари битирувчиларини уй-жой билан таъминлашни назоратга олади.

✍ **Парламентдаги фракциямиз мулкчилик шакли ва молиялаштириш манбаларидан қатъий назар, барча тиббиёт муассасаларида бепул тақдим этиладиган мажбурий тиббий хизматлар рўйхатини қонун билан тасдиқлашга эришишни кўзлаган.**

✍ **Партиямиз парламент, депутатлик ҳамда жамоатчилик назорати ёрдамида эҳтиёжманд аҳолига дори-дармон воситалари, протезлаш воситалари ва бошқа тиббий-ижтимоий хизматларни харид қилиш қўлай бўлиши учун курашади.**

✍ **Биз фуқаролар барча таълим муассасаларида сифатли мактабгача, ўрта, олий таълим, шунингдек, касбий таълим олиши, малакасини ошириши учун тенг имкониятлар яратишга эришмоқчимиз.**

6 ёшгача бўлган болаларни мажбурий мактабгача таълим ва тарбия билан тўла қамраб олиш, мактаб ўқувчиларига жамоат транспортида бепул юриш ҳуқуқини тақдим этиш, барча мактаблар ва мактабгача таълим муассасаларида ўқувчилар ва тарбияланувчиларни соғлом озиқ-овқатлар билан қафолатли таъминлаш, олий таълим тизимини ривожлантириш, хусусан, таълим шартномалари нархини оптималлаштириш, эҳтиёжи бор талабаларни тураржойлар билан таъминлаш муҳим вазифа, деб биламиз.

✍ **Партия ўқитувчилар ва шифокорларнинг ижтимоий мавқеини янада мустаҳкамлашга катта эътибор қаратади.**

✍ **Халқ депутатлари Кенгашларидаги партия гуруҳла-**

римиз маҳаллий бюджет маблағлари ва хусусий инвестициялар ҳисобига қишлоқ хўжалиги маҳсулотларини ишлаб чиқариш бўйича ҳудудий дастурларни амалга оширишни тақлиф этади.

✍ **Бизнинг парламент фрак-**

циямиз аҳолининг ижтимоий кайфиятига таъсир кўрсатувчи меъёрий-ҳуқуқий ҳужжатлар лойиҳаларининг мажбурий жамоатчилик муҳокамаси ва экспертизаси механизмининг яратилиш кўзлаган.

Ўзбекистон ХДП иқтисодий ислохотларнинг ижтимоий самарадорлигини оширишга устувор аҳамият қаратган. Партия мамлакатнинг тобора юксалаётган иқтисодий салоҳияти аҳолининг кам таъминланган қатламлари турмуш даражаси ва ҳаёт сифатини ошириш учун хизмат қилиш керак, деб ҳисоблайди. Бу — мамлакатда ижтимоий барқарорлик ва фуқаролар бирдамлигини янада мустаҳкамлашнинг асосий омили ҳамда барқарор ижтимоий-иқтисодий ривожланишнинг муҳим шарти саналади.

Ушбу устуворликдан келиб чиқиб, партия ўз депутатлари орқали иқтисодий ислохотларнинг ижтимоий самарадорлигини ошириб боришни, жамиятда фаол фуқаролик позициясини шакллантиришни, ҳамкорлик муносабатларини ривожлантиришни кўзда tutади. Ижтимоий ҳимояга муҳтож кишиларнинг ҳаётий эҳтиёжлари билан боғлиқ масалаларни ҳал этишда партия барқарор ижтимоий-иқтисодий ривожланиш тарафдори бўлган барча шахсларнинг кўмағига таянади.

Қонунчилик палатаси, халқ депутатлари вилоят, туман ва шаҳар Кенгашлари депутатлигига сайловларда Ўзбекистон Халқ демократик партияси номзодларига овоз бериш билан бизга ишонч билдиринг!

Биз юксак ишончингизни оқлаш ва олдимиздаги 12 қадамни ташлаш учун қатъий курашамиз!

Ўзбекистон ХДП матбуот хизмати.



ҳуқуқлари тўғрисидаги Конвенциясини ратификация қилиш ташаббуси билан чиқади. Шунингдек, миллий қонунчиликни БМТнинг Ногиронлар учун тенг имкониятларни таъминлаш бўйича меъёрий қоидаларига мувофиқлаштиришга эришади.

✍ **Биз энергетика ва моддий ресурсларнинг катта йўқотишларини истеъмолчилар гар-**

гашларидаги партия гуруҳларимиз яқин беш йил ичида шаҳарларда ҳам, қишлоқ жойларда ҳам аҳолини қиммат бўлмаган электр энергия, иссиқлик таъминоти билан таъминлаш бўйича замонавий автоном тизимларни яратишга, бу борада ҳудудий инвестиция лойиҳаларини амалга оширишга эришмоқчи.

✍ **Партия аҳолининг ижтимоий заиф қатламига арзон тураржойлар қурилишини кенгайтириш учун қатъий ҳаракат қилади.**

Жумладан, халқ депутатлари Кенгашларидаги партия гуруҳлари яқин 5 йил ичида ижтимоий аҳоли оғир, яшаш шароитини яхшилашга муҳтож аёллар, фарзандларини тўлиқ бўлмаган оилада тарбиялаётган кам таъминланган оналар ва «Меҳрибонлик»



Депутатликка номзод сайловга қадар ўз ишончли вакилини тегишли сайлов комиссиясига маълум қилган ҳолда исталган вақтда ваколатидан маҳрум қилиши ва уни бошқаси билан алмаштириши мумкин.

**Она табиатни ўз
Ватанини севган-
дек севган, азиз деб
билган, уни ардоқла-
ган ҳар бир инсон
бизни қўллаб-қув-
ватлайди.**

**Аслида, ҳақиқий
инсонийлик ҳам мана
шу — Она юртга,
табиатга муҳаббат,
уни асраш ва керак
бўлса, ҳимоя қилиш
фазилатидадир.**

Ўтмишда атроф-муҳитга эътиборсиз муносабатда бўлиш, табиий ресурслардан метёрдан ортққ фойдаланиш ва экологик талабларни менсимаслик Орол денгизининг қуриши, қўлланиши, ер ва сув ресурсларининг таназзули, ўсимлик ва ҳайвонот дунёси генофондининг ёмонлашуви, биологик хилма-хилликнинг қисқариши, кўп миқдордаги саноат, маиший ва бошқа чиқиндиларнинг ҳосил бўлиши каби қатор глобал ҳамда минтақавий экологик муаммолар пайдо бўлишига олиб келди. Булар иқлим ўзгариши содир бўлаётган шароитларда янада яққолроқ ва кучлироқ намоён бўлиб, замонавий Ўзбекистон учун ҳам атроф-муҳитни муҳофаза қилиш ва уни соғломлаштириш масалаларини янада долзарб қилиб қўйди.

Президентимизнинг Олий Мажлисга йўллаган тарихий мурожаатномасидаги гоёлар ҳамда мамлакатда давлат ва жамият қурилиши соҳасида амалга оширилаётган ислохотлар йўлидаги кейинги қадам сифатида мамлакат сиёсий maidонида янги — Ўзбекистон Экологик партияси ташкил этилди. Экологик партиянинг тузилиши Ўзбекистон тарихида алоҳида саҳифа бўлиб, мамлакатда амалга оширилаётган стратегиянинг яққол ҳосиласидир. Аҳоли билан мулоқотлар жараёнида партиянинг вужудга келиши нафақат экологларнинг, балки кенг жамоатчиликнинг ушланган орзуси экани барча томондан қувонч билан эътироф этилмоқда. Экологик партиянинг ташкил этилиши Ўзбекистоннинг жаҳон ҳамжамияти олдидagi нуфузи, имижини ошириш учун муҳим омил бўлди.

«Биз келажақ учун жавобгармиз!» ғояси остида ҳозирги ва келгуси авлоднинг қулай атроф-муҳитга эга бўлиш ҳуқуқларини таъминлаш, экологик барқарорликка эришиш, аҳоли саломатлигини муҳофаза қилиш йўлида жамиятни ижтимоий гуруҳларга ажратмаган ҳолда унинг барча куч-салоҳиятини бирлаштириш Ўзбекистон Экологик партиясининг асосий мафкурасидир.

Бизнинг асосий мақсади-

миз:

давлат сиёсатида экологик сиёсатнинг устуворлигига эришиш.

сони 250 минг нафарга яқинни ташкил этмоқда. Шундан 39 фойдан зиёди хотин-қизлар. Ўзбекистон Экологик пар-

бий муҳит таъсирида бошланади. Парчаланганининг якуний натижаси — бу ўсимлик учун ўғитга айланадиган био-

асосида саноат корхоналарида жамоатчилик эшитувларини ўтказиш тизимли йўлга қўйилди. Бугунги кунга қадар 7 та

«БИЗ КЕЛАЖАК УЧУН» Янги партия ана шундай ҒОЯ билан курашга чоғланди



«Биз келажақ учун жавобгармиз!» ғояси остида ҳозирги ва келгуси авлоднинг қулай атроф-муҳитга эга бўлиш ҳуқуқларини таъминлаш, экологик барқарорликка эришиш, аҳоли саломатлигини муҳофаза қилиш йўлида жамиятни ижтимоий гуруҳларга ажратмаган ҳолда унинг барча куч-салоҳиятини бирлаштириш Ўзбекистон Экологик партиясининг асосий мафкурасидир.

ларини аниқлаб, ечимини топиш.

атроф-муҳитни муҳофаза қилишда барчани бирлаштириш, экологик масъулиятни ошириб, экологик барқарор жамият қуришдан иборат.

Партия фаолиятини ташкил этишда замон талабига, партия электорати мақсадларига ва манфаатларига мос келадиган инновацион янги ғоялар билан чиқиш, партия атрофида юқори малакали, сиёсий етуқ ва фидойи маслакдошларни бирлаштириш, партия илгари сураётган ғояларни амалда татиқ этиб, рубга чиқарилишига эришиш, яъни сўз билан иш бирлигини таъминлаш каби бирлигини таъминлаш каби мезонларга алоҳида эътибор қаратилмоқда.

Ўзбекистон Экологик партиясининг Қорақалпоғистон Республикаси, вилоятлар ва Тошкент шаҳар ҳудудий партия ташкилотлари ҳамда 201 та туман-шаҳарларда партия бўлимлари ташкил этилди, фаолияти йўлга қўйилди. Бугунги кунга келиб бошланғич партия ташкилотлари сони 1000 дан ошди. Амалга оширилган тарғибот-ташвиқот ишлари натижасида партия аъзолари

тияси томонидан республика ми-даги барча туман ва шаҳарлардаги мавжуд экологик, ижтимоий ва иқтисодий муаммолар инвентаризация қилиниб, уларнинг тўлиқ рўйхати шакллантирилди. Оролбўйида ўрмонзорлар барпо этиш бўйича амалга оширилаёт-

ган ишларга қўмаклашиш мақсадида партия фаоллари томонидан «Оролга мадад» шиори остида саксовул уруғларини йиғиш бўйича хайрия ҳашарлари ташкил этилди. Фаолият давомида амалий тадбирларга, жумладан, дарахтлар экиш акциялари, экологик ҳашарлар ўтказишга жидий эътибор қаратилди. Хоразм вилояти Бобот, Шовот, Янгиариқ туманларидаги таълим муассасаларига соатига 500 литр сувни тозалайдиган сув тозалаш ускуналари ўрнатилди, ушбу ҳудудларда «Дўстлик боғлари»га асос солинди.

Ўзбекистон Экологик партияси қаттиқ маиший чиқиндиларни қайта ишлаш билан боғлиқ вазиятни ўрганиб чиқиб ҳукуматга амалдаги полиэтилен пакетлар ўрнига биологик парчаланадиган пакетлардан фойдаланиш бўйича тақлиф билан чиқди. Ушбу пакетларга Буюк Британия таниқли лабораториясининг ижобий сертификати тақдим этилди. Бу оддий шароитда партиянинг биологик парчаланаш даври тахминан 8 ойга тенгдир. Бундан ташқари, парчаланаш жараёни ҳаво, қуёш нури ва та-

массадир.

Бугунги кунда мамлакатимизда маиший ва қурилиш чиқиндилари муаммосидан ташқари саноат чиқиндилари билан боғлиқ муаммо мавжуд. Республика ми-да ҳозирда кимё саноатида ҳосил бўлган фосфогипс чиқиндиси қарийб 80 млн. тонна, шу жумладан, Тошкент вилоятида 67 млн. тонна ва Самарқанд вилоятида 14 млн. тоннани ташкил этади.

Фосфогипс чиқиндисини қайта ишлаб фосфор бирикмасига ва гипсга ажратиш бўйича технология партия томонидан ишлаб чиқилган ва халқаро ихтиро патенти олинган. Мазкур технологияларни жорий этсак нафақат экологик, балки иқтисодий самара беради.

Шунингдек, Ўзбекистон Экологик партияси бугунги кунда кенг жамоатчиликни қийнаб келадиган, ижтимоий тармоқларда кескин муҳокамаларга сабаб бўлаётган дарахтларнинг кесилиши билан боғлиқ муаммоларга ечим сифатида ҳукуматга дарахтларнинг кесилишига қарши мораторий эълон қилиш тақлифи билан чиқди. Эътиборли жиҳа-

йирик саноат корхоналарида жамоатчилик эшитувлари ташкил этилди. Жамоатчилик эшитувларини юқори савияда ташкил этиш ва уларнинг самарадорлигига эришиш, қолаверса, вазиятни ҳолис баҳолаш учун корхоналарга туташ ҳудудларда истиқомат қилувчи аҳоли ўртасида ижтимоий сўровномалар ўтказиш амалиёти жорий қилинди.

Жорий йилнинг 22 декабри кунини бўлиб ўтадиган сайловларга пухта тайёргарлик қуриш Партия томонидан халқимиз орасида обрў-эътиборга сазовор бўлган, экология ва атроф-муҳитни муҳофаза қилиш соҳасида муайян тажриба орттирган, сиёсий жараёнларни англаб етadиган, давлат ва жамоат ишларида фаоллик кўрсатаётган, билимли партия фаолларидан Конунчилик палатаси ва маҳаллий Кенгашлар депутатлигига номзодлар захирасини шакллантириш ишлари амалга оширилди. Бу борала хотин-қизлар ва ёшлар масаласига алоҳида эътибор қаратилди.

Партияларнинг ҳар бири ўз йўналиши, жамиятдаги муайян ижтимоий интилишлари, қизиқишларидан келиб чиққан ҳолда, яъни уларнинг



ти шундаки, Ўзбекистон Республикасида 2030 йилга қадар атроф-муҳитни муҳофаза қилиш концепциясида Экопартиянинг тақлифи ўз аксини топди.

Ўзбекистон Экологик партиясининг ташаббуси билан жорий йилнинг 17-22 октябри кунлари Ўзбекистонда биринчи марта «Биз келажақ учун жавобгармиз!» шиори остида «Aral Marathon» халқаро экологик марафони ўтказилди.

Экопартия қошида ташкил этилган «Ишонч телефони»га келиб тушаётган мурожаатлар

манфаатларини ифодалаган ва ҳимоя қилган ҳолда ўз дастури-ни ишлаб чиқиши зарур.

Шундан келиб чиқиб, партия фаоллари, экологлар, олимлар, мутахассислардан иборат экспертлар гуруҳи томонидан «Биз келажақ учун жавобгармиз!» ғоясига асосланган, ҳудудларнинг ўзига хос экологик муаммоларнинг нафақат оқибатларини бартараф этиш, балки уларнинг келиб чиқиш сабаблари ечимига қаратилган Ўзбекистон Экологик партиясининг сайловли дастури ишлаб чиқилди.



Мамлакатимизда «Замонавий мактаб»лар ташкил этилади.

Унда белгиланган мақсад ва вазифалардан келиб чиққан ҳолда, Ўзбекистон экологик партияси 2025 йилга қадар

млн. гектар ер майдонини ўрмон билан қоплаш бўйича чора-тадбирларни амалга ошириш.

ЖАВОБГАРМИЗ!»

қийинчиликлари амалга оширишни режалаштирган:

1. Мамлакатимизнинг йирик ва саноат ривожланган шаҳарларида атмосфера ҳавосига чиқарилаётган углерод, азот бирикмалари, метан ва бошқа газлар чиқарилишини ҳамда чанг миқдорини **1,5 баробар камайтириш** орқали атмосфера ҳавосининг сифат кўрсаткичларини белгиланган меъёрлар даражасига келтириш ва уларнинг аҳолига салбий таъсирини камайтириш.

Республикаимизда йилга атмосфера ҳавосига қарийб 2,5 млн. тонна ифлослантирувчи турли моддалар тарқалади. Шундан 63%и транспорт воситалари улушига тўғри келади. Йирик шаҳарлардан бўлиши Тошкентда эса бу кўрсаткич 80% дан юқорини ташкил этади.

Таклиф сифатида келгуси йилдан бошлаб мамлакатимизда экологик мақбул ҳисобланган электромобиллардан кенг фойдаланишни жорий этиш, ёқилгининг юқори талабларга жавоб берадиган турларидан фойдаланишни йўлга қўйишга эришиш.

2. Иқтисодиётнинг барча тармоқларида сувни тежайдиган, шу жумладан томчилатиб суғориш технологияларидан кенг фойдаланишга қаратилган лойиҳаларнинг амалиётга татбиқ этилиши ҳисобига сув сарфини камайтиришга эришиш ҳамда суғориладиган ерларнинг **25 фоизгача** майдонини сувни тежовчи самарали технологияларни жорий этилишини таъминлаш.

3. Шаҳар ва қишлоқ аҳоли пунктларида сизот сувларининг сатҳи кўтарилишининг олдини олиш, суғориладиган ерларнинг мелiorатив ҳолатини яхшилаш мақсадида ирригация ва мелiorация объектларини қуриш ҳамда реконструкция қилиш ва таъмирлаш-тиклаш ишлари амалга оширилиши устидан самарали парламент ва жамоатчилик назоратини ўрнатиш.

4. Оролбўйи ҳудудига Аму дарёсининг юқори қисмидан йилгига камида **5-6 куб. км. ҳажмда** сув юборилишини таъминлаш ҳамда Орол денгизининг қуриган тубида ўрмон-мелiorатив ишларини амалга ошириш йўли билан Оролбўйини экологик жиҳатдан соғломлаштириш ҳамда 1,5

5. Ер ости суви захира-ларидан самарали фойдаланиш бўйича технологияларни ишлаб чиқиш ва жорий этиш ҳамда ер ости сувларидан фойдаланиш бўйича мониторинг тизимини ривожлантириш, ичимлик, техник, суғориш мақсадларида қазилган ярқисиз ҳолдаги ер ости сув қудуқларини ярқили ҳолатга келтириш чоралари кўрилишини таъминлаш.

6. Аҳолининг, айниқса қишлоқ жойлардаги аҳолининг тоза ичимлик суви таъминотини **85 фоизгача** етказишга эришиш.

Аҳолининг саломатлиги атроф муҳит, ичимлик суви сифатига ҳам бевосита боғлиқ. Аҳолининг аксарияти очик сув ҳавзаларидан ичимлик суви сифатида истеъмол қилади. Юқумли касалликларнинг кўпчилиги (масалан, гепатит-А, ошқозон-ичак касалликлари ва бошқалар) айнан ифлосланган сув сабабли бўлади.

Шу туфайли соғлиқни сақлаш тизимига, даволаш жараёнига, дори-дармонларга, касалланиш туфайли меҳнатга лаёқатини йўқотганлар учун ижтимоий соҳаларга кўплаб миқдорда маблағлар сарфланмоқда.

7. Оқава сувларни тозалаш иншоотларининг самарадорлиги паст бўлган ҳудудларда, жумладан **Ангрен, Гулистон, Самарқанд, Жиззах, Урганч, Нукус, Андижон, Чирчиқ ва Тошкент** шаҳарларидаги ҳамда туман марказларидаги оқава сувларни тозалаш иншоотларининг самарадорлигини санитария нормалари даражасига етказиш ҳамда оқава сув тармоқларини ривожлантириш.

8. Ерларни тупроқ ва шамол эрозиясидан муҳофаза қилиш, деградациядан, ҷўланишга ва қургўқчиликка учраган ерларни тиклаш мақсадида биомелiorатив тадбирлар қўлланини кенгайтириш, ихотазорлар барпо этиш ва қайта тиклаш ишларини амалга ошириш.

9. Ерости бойликларидан, фойдали қазилмалар жойлашган майдонлардан асоссиз ра-

вишда ва ўзбошимчалик билан фойдаланишнинг олдини олиш ҳамда уларни муҳофаза қилиш устидан самарали назорат ўрнатиш.

10. Барча турдаги чиқиндилардан оқилона фойдаланишга эришиш, маиший чиқиндиларни қайта ишлаш ва такрорий фойдаланиш бўйича чора-тадбирларни қабул қилиш орқали уларни қайта ишлаш ҳажмини **40 фоизга** етказиш, ҳосил бўлаётган саноат чиқиндиларини қайта ишлаш миқдорини **20 фоизгача** етказиш.

11. Шаҳарларни ва аҳоли

за қилиш ва улардан оқилона фойдаланиш усулларини жорий этишга қўмаклашиш, ўрмонларнинг йўқолиб кетишини тўхтатиш ва уларни тиклаш қўламини ошириш орқали республика ҳудудининг ўрмон билан қопланганлик даражасини **7,6 фоиздан** (3,4 млн. гектар) **15 фоизга** (7 млн. гектар) етказиш.

14. Қорақалпоғистон Республикасидаги Судочье қўлини, Навоий вилоятидаги Қуймазор ва Тўдақўл сув омборларини халқро аҳамиятга эга бўлган сувли-ботқоқ ҳудудлар (Рамсар конвенцияси) рўйхатига киритилишини таъминлаш ҳамда Қорақалпоғистон Республикаси ва вилоятларда ёввойи ҳайвон ва ўсимлик турларини кўпайтиришга ихтисослаштирилган питомниклар ва қўчатоҳоналарни барпо этиш.

15. Браконьерликни ҳамда ҳайвонот дунёси контрабанда савдосини, ўсимлик дунёси турларининг ноқонуний кесилишини чеклаш чораларини кўриш, жонли табиатдан қонунга зид равишда олинган маҳсулотларга бўлган талаб ва таклиф оид муаммоларни ҳал қилиш.

16. Мамлакат энергия балансида қайта тикланувчи энергия манбалари улушини **10 фоизгача** етказишда бевосита иштирок этиш.

17. Ўрта ва ўрта махсус таълим муассасаларида услуксиз экологик таълим тизимини жорий этиш.

18. Экология ва атроф муҳитни муҳофаза қилиш, табиий ресурслардан оқилона фойдаланиш соҳасида илмий-тадқиқот институтини таъсис этиш масаласини ҳал этиш.

19. Иқтисодиёт тармоқлари ва секторларини ривожлантиришнинг миллий стратегиялари ҳамда дастурларини ишлаб чиқишда экотизимларни сақлаб қолиниши ва атроф муҳитни муҳофаза қилиш бўйича чора-тадбирларни бел-

гиланиши, табиий ресурсларнинг қийматини ҳисобга олинишини таъминлаш.

20. Бошқарувнинг барча босқичларида экологик масалалар юзасидан қарорларни тайёрлаш ҳамда қабул қилиш жараёнида фуқаролар, тадбиркорлик субъектлари ва фуқаролик жамиятининг бошқа институтлари иштирокини кенгайтириш ҳамда фуқароларнинг тоза атроф муҳитга бўлган ҳуқуқларини ҳимоя қилинишини таъминлаш.

21. Экология соҳасида норматив-ҳуқуқий базани такомиллаштириш, Ўзбекистон томонидан қабул қилинган соҳага оид халқаро норма ва қоидаларга оғишмай риоя этилишини таъминлаш ҳамда мажмуавий ва тўғридан-тўғри амал қиладиган Ўзбекистон Республикасининг Экологик кодексини қабул қилиш.

22. Олий таълим муассасаларида экология фани бўйича педагогик кадрларни тайёрлаш тизимини жорий қилиш.

23. Экологик тоза транспорт воситалари ишлаб чиқарилиш, аҳолини велосипедлардан фойдаланиш кўрсаткичларини ошириш, ёқилги сифатини халқро стандартларга мослаштириш.

24. Атроф муҳитга ва инсон саломатлигига шовқиннинг таъсири олдини олиш бўйича чора-тадбирларни амалга ошириш.

25. Бунёд этилаётган уйлارнинг энергияни, ресурсларни тежайдиган «**яшил қурилиш**» талаблари бўйича қурилишга эришишдан иборат.

26. Мамлакатимизда гени модификацияланган организмлардан фойдаланишнинг тартибга солиш бўйича ҳуқуқий базани мустаҳкамлаш.

Ўзбекистон Экологик партияси мамлакатимизнинг бебаҳо табиий бойликлари асраб-авайлаш ва фуқароларимизнинг соғлигини сақлашдек юксак вазифаларни бажаришда фаол иштирок этишга чақиради.

Она табиатни асраб авайлаш барчамизнинг мақаддас бурчимиздир!

Ўзбекистон Экологик партияси матбуот хизмати.



яшаш пунктларини комплекс режалаштириш ва ривожлантириш, **Тошкент, Нукус, Бухоро ва Термиз шаҳарлари атрофида «яшил қалқонлар»**ни барпо этиш ҳамда дархатларнинг кесилишига эълон қилинган мораторий талабларини бажарилишини қатъий назорат қилиш, кенгайтириш, велосипед йўлакчаларни барпо этиш.

12. Биологик хилма-хилликни ва экотизимларни сақлаш ҳамда улардан оқилона фойдаланиш мақсадида молиялаштиришнинг барча манбалари маблағларининг тўлиқ мақсадли сарфланишига эришиш ҳамда муҳофаза этиладиган табиий ҳудудлар майдонларини мамлакат ҳудудининг **12 фоизга** етказиш, шу жумладан Ўзбекистоннинг Қозғистон ва Қирғизистонга ҳамда Ўзбекистоннинг Туркменистонга туташ ҳудудларида трансчегаравий муҳофаза этиладиган табиий ҳудудлар ташкил этиш чораларини кўриш.

13. Ўрмонларни муҳофа-

Яқин қариндошлар орасида буйрак ва жигар бўлагини трансплантация қилиш тартиби ҳақидаги вақтинчалик низомга кўра, тирик яқин қариндошлар орасида буйрак ёки жигар бўлагини трансплантация қилишга рухсат этилади.



Суд очерки

Ижтимоий
тармоқдаги «қармоқ»

У.Б аввал ҳам бир неча бор судланган. 8 йилга озодликдан маҳрум этилган. Тошкент шаҳар судининг ажрими билан ҳукм ўзгартирилиб, 5 йил муддатга қисқартирилган. Тайинланган жазони тўлиқ ўтаган бўлса-да, тўғри хулоса чиқармаган бу йигит яна бир бор суднинг қора курсисига ўтирди.

мессенжери» орқали юборилган телефон рақамга ўтказди. Сўнгра ушбу номаълум шахс унга сонлардан иборат бўлган паролни ташлаб беради. Ушбу паролъ гиёҳвандлик воситаси турган жойининг координати бўлиб, у ушбу сонларни «Google тар» дастурига кириптиб, жойини аниқлайди.

Ўша куни танишлари С.И ва Н.Б билан кўришиб, бирор бир кўнгилочар жойга боришга келишади. Шунда у аввал амакисидан пул олиши лозимлигини айтиб, белгиланган жойдан «vivobravo» профилидан фойдаланувчи номаълум шахс ташлаб кетган гиёҳвандлик воситасини олади. Судда гувоҳлик беришча, шериклари бундан беҳабар бўлишади...

Судда бирча қилмишларини бўйнига олган «қаҳрамонимиз» тайинланган жазони енгилатишни илтимос қилди.

Бундай ишларнинг барчасининг замирида тарбиянинг сустлиги ётади. Кимдир ноидождикдан

жиноят қилса, кимлардир тўқдиқка шўхликдан содир этади. Огоҳ бўлайлик, ота-оналар! Фарзандларимизни назоратсиз қолдирмайлик. Чунки нафақат биз ота-оналарнинг, балки бутун жамиятнинг келажаги уларнинг қўлида. Шундай экан, келажагимиз ишончли қўлларга ўтишига ўз ҳиссамизни қўшайлик

Темур КАСИМОВ,
Жиноят ишлари бўйича
Яккасарой туман суди судьяси



Бу сафар у гиёҳванд модда билан қўлга олинди. Маълум бўлишича, ўзи истеъмол қилиши учун олган синтетик гиёҳванд моддасини у ижтимоий тармоқ орқали харид қилган. У «Telegram» тармоғи орқали «vivobravo» профилини ишлатадиган номаълум шахсдан гиёҳванд воситасини сўрайди. Номаълум шахс унга гиёҳвандлик воситасини сотиб олиш учун электрон равишда пул тўлаши кераклигини айтган. У келишилган маблағни «Telegram

«Ой бола»даги
той болалар

Куни кеча Чирчиқ шаҳридаги «Маърифат» маҳалла фуқаролар йиғини худудида тадбиркор Санобар Назирова томонидан барпо этилган 120 ўринли «Ой бола» хусусий болалар боғчаси келажагимиз давомчиларини қабул қилишни бошлади.

пед, ва спорт тўғрақлари мавжуд. Фитобар, кислород коктейлари билан таъминланган. Демак, барча ҳавфсизлик чоралари ҳам кўрилган.

— 9 нафар неварам бор, — дейди «Хамза» маҳалласида яшовчи Гулчеҳра ая Маминава. — Ушбу янги боғча 1 ёшу 6 ойдан ошган болаларни қабул қилаётгани барча оилаларга маъқул тушяпти. Чунки келинларимиз ҳам ишли-да. Бемалол ишига бориб, қайтишда фарзандларини олиб келишади.

Боғча ҳафтада 5 кун, соат 7:00 дан 17:00 гача ишлайди. 1,5 гектар майдонда жойлашган мазкур болалар боғчасида бассейн,



3 қаватдан иборат болалар боғчасининг хоналари ёруғ, иссиқ, кенг. Кичкинтойлар 4 та гуруҳда тарбияланади. Бу ерда жажжи болажонларга барча шароит яратилган. Хусусан, 5 маҳал иссиқ овқат, ётоқхона, 120 ўринли зал, гимнастика, мусиқа, математика, инглиз тили, рус тили, тўғрақлари фаолият юритади.

Бундан ташқари, боғчада психолог, лого-

фаввора, ҳатто, ҳайвонот боғи ҳам бор. Муҳими, бу ерга келаётган болалар «қолмайман», деб хархаша қилмайди, балки тезроқ бориш ва кечроқ қайтиш мақсадида қилади барча тўполонини.

Даврон АҲМАД,
«Жамият» мухбири

Республика миқёсида Фавқулодда вазиятлар профилактикасини ташкил қилиш ҳамда 2019 йил 20 ноябрдан 20 декабрь кунига қадар «Аҳоли ва ҳудудларни фавқулодда вазиятлардан муҳофаза қилиш ойлиги» ўтказилмоқда.

Фавқулодда ҳолатлардан эҳтиёт бўлинг!

Қиш мавсумида об-ҳавонинг кескин совиб кетиши натижасида газ босимининг пасайиши инсонларнинг электр манбасига бўлган эҳтиёжи ортиши оқибатида ёнғинлар бир мунча кўпаяди.

Бу даврда Фавқулодда вазиятлар вазирлиги Ёнғин хавфсизлиги хизмати ҳамда маҳаллий ҳокимият, ўзини ўзи бошқариш органлари ва ҳудудий профилактика инспекторлари билан ҳамкорликда олиб бориладиган тарғибот-ташвиқот ишла-



да вазиятлар бошқармаси Ёнғин хавфсизлиги бўлими томонидан ушбу ойликни самарали ўтказиш мақсадида туман ҳокимининг қарорига асосан мутасадди ташкилотлар вакиллари билан иборат ишчи гуруҳлар ташкил қилинади. Ҳозирги кунда бўлим шахсий таркиби томонидан маҳаллаларда, мактаб ва мактабгача таълим муассасаларида кенг қамровли учрашувлар ўтказилмоқда. Бундан ташқари,

билан тезкор рейдлар уюштирилмоқда.

Ёнғинни ўчиргандан кўра, олдини олган афзалдир. Ҳаётимизнинг барча жабҳаларида ёнғин хавфсизлиги қоидаларига риоя қилишда масъулиятимизни оширайлик. Бу билан ўз ҳаётимизни, давлатимиз ҳамда шахсий мулкимизни офатдан асраган бўламиз.

Санжар САИДУРОДОВ,
Сергели тумани ФВВ ЁХБ
инспектори, лейтенант



Йўлкара ҳақини тўлашнинг автоматлаштирилган тизими жорий этилади.

«Худудгаз Самарқанд»

вилоятни зангори олов билан таъминламоқда

Ҳаётимизнинг тубдан ўзгариши, турмуш-тарзимизнинг кун сайин фаровон бўлиб бориши, жойларда хизматлар савиясининг ривожланиши, жумладан, аҳолига табиий ва суюлтирилган газ етказиб бериш даражасининг қай аҳволда эканлиги, айниқса киш фасли кириб келаётган пир пайтда жуда муҳим.

— 2019-2020 йил куз-қиш мавсумига тайёргарлик борасида бир қатор ишлар бажарилди, — деди «Худудгаз Самарқанд» МЧЖ Бош директори Холмурод Бобомуродов. — Масалан, ГТҚлар тафтиш қилинди. Газ қувурлари босим остида сынаб кўрилди. Ҳаво босими ёрдамида тозалаш ишлари амалга оширилди. 830 километр атрофидаги газ қувурлари босим остида зичликка синовдан ўтказилди ва ҳаво босими ёрдамида тозалаш ишлари бажарилди. Ер ости газ қувурларининг ҳолатини прибор усули билан текширишда ҳам шундай натижаларга эришилди. Газ қувурларини бўйш ишлари тўлиқ бажарилди.

Вилоятда 9124,9 километр газ қувурлари мавжуд. Уларнинг 1089,3 кило-

метри юқори, 2255,2 километри ўрта ва 5780,3 километри паст босимли газ қувурларидан иборат. Шунингдек, 8394 та газ тақсимлаш пунктларидан 824 таси юқори, 7570 таси ўрта босимлидир. Табиий газ таъминотида бўлган жами хонадонлар сонни 281502 та, шундан 62956 таси қўп-қаватли уй-жойлар.

Вилоят газ ҳўжалигини 2019-2020 йил куз-қиш мавсумига тайёрлаш борасида филиалнинг чора-тадбирлари ишлаб чиқилган бўлиб, тасдиқланган режалар бўйича бир қатор ишлар амалга оширилди. Жумладан, вилоят бўйича 12,8 километр газ қувурлари мукамал таъмирланди. Режалаштирилган 8,5 километр масофадаги газ қувурлари реконструкция қилинди. ГТҚларнинг 41



лардаги ҳокимлик, маҳалла, сектор раҳбарлари яқиндан ёрдам берапти.

Йўлга қўйилган бундай ҳамкорликлар натижасида Нуробод ва Қўшрабод туманларида хусусий газ тўлдириш шохобчалари фаолияти йўлга қўйилди. Бу эса аҳолини суюлтирилган газ билан таъминлашдаги бир қатор муаммоларни ҳал этишга ёрдам бермоқда. Ургут, Каттакўрғон, Пайариқ ва Пахтачи туманларида ҳам газ тўлдириш шохобчалари ишлаб турибди.

Давлатимиз раҳбари 2016 йил Ургутда бўлиб, туманда амалга оширилаётган кенг қамровли ислохотлар билан танишиш чоғида, муҳим вазифаларга эътибор қаратганди. Жумладан, туманда махсус индустриал зона ташкил этиши, саноат ишлаб чиқариши, хизмат кўрсатиши, туризм ҳамда қишлоқ ҳўжалиги тараққиёти ва яна бир қатор масалалар бўйича энг муҳим йўналишларни белгилаб берган эди. Бугун Ургут эркин иқтисодий зонаси фаолият кўрсатмоқда. Иқтисодий зонадаги ривожланиш даражаси газ таъминоти билан ҳам боғлиқ.

— «Ургут-1» эркин иқтисодий зонасидаги Мерганча ва Сариктепа масивларида ташкил этилиши режалаштирилган саноат корхоналарини табиий газ билан таъминлаш мақсадида 11,0 километр узунликдаги юқори босимли газ тармоғи ва 3 та саноат коллекторлари қуриб битказилди, — дейди вилоятгаз идораси раҳбари. — Ҳозирги кунда истеъмолчилар табиий газ билан таъминланмоқда. Худди шу каби ишлар «Ургут-3» эркин иқтисодий зонасида қарашли Пастдаргом туманидаги «Намуна» ГРСда ҳам бажарилди. Бу ерда ана шу ҳудуддан Кимёгарлар қўрғонидagi Дўстлик массивига 8 километр узунликда юқори босимли газ қувури ва 1 та саноат коллектори фойдаланишига топширилди.

Нуробод туманининг Сазагон масивига «Ургут-2» эркин иқтисодий зонасини газлаштириш учун 18 километр юқори босимли газ тармоғи ва 3 та саноат коллектори қуриб битказилди. Бундан ташқари, «Ургут» ЭИЗ таркибига киритилган Самарқанд туманидаги «Хишрав-2» массивидаги ишлаб чиқариш корхоналарини табиий газ билан таъминлаш мақсадида 6,9 километр юқори босимли газ тармоғи ва 1 та саноат коллектори қуриб фойдаланишига топширилди.

«Худудгаз Самарқанд» масъулияти чекланган жамияти томонидан амалга оширилаётган ишларни мамлакатимизда Президентимиз раҳнамолигида жадал олиб борилаётган ислохотлар талабларига жавоб берадиган даражада дейиш мумкин. Одамларни рози қилиш бугун самарқандлик газ соҳаси ходимларининг биринчи галги вазифасига айланган.

Абдуракул САТТОРОВ

«Ал-Хоразмий» сайловга тайёр



Мамлакатимизда сайловга қизгин таёргарлик бошланди. Сайлов куни эса 22-декабр деб белгиланди.

Пойтахтимизнинг Чилонзор туманида жойлашган «Ал-Хоразмий» маҳалла фуқаролар йиғинида 624-сайлов участкаси ташкил этилди. Бу ерда ҳам қутилаётган сиёсий жараёнларга қизгин таёргарлик кўрмоқда.

Хоналар давлат рамзлари, сайлов билан боғлиқ кўргазмалар воситалар, қонунлар, алабидтлар ва зарур техникалар билан таъминланган. Сайловга келадиган ёш болалар оналар учун алоҳида хоналар ташкил этилиб, болажонлар

зерикиб қолмаслиги учун ўйинчоқлар билан безатилган. Дам олиш хоналари ҳам шулар жумласидан.

Сайлов кунига эса кўча-дўконлар фаолияти, хавфсизлигини таъминлаш, сайловчилар учун тиббиёт ходимларидан иборат навбатчилик йўлга қўйиш бўйича чора-тадбирлар белгиланди.

— Сайловни юқори савидада ўтказишда аҳолига ҳар томонлама шароит яратиш муҳим, — дейди 624-сайлов участкаси камиссияси раиси Маъмура Раҳимова. — Бизнинг туманда бир минг беш юз нафардан зиёд сайловчи бор. Сайловчилар учун 3 та овоз бериш кабинаси, 2 та сайлов қўтиси шай ҳолатда келтирилди.

Аҳоли билан бевосита мулоқотлар ташкил этилиб, муносиб номзодларни сайлаш борасида билдирилган фикр-мулоҳазалар ўрганилмоқда. Албатта, муносибларини сайлаш ва улар билан бирга ватан равақи йўлида хизмат қилиш барчамизнинг бурчимиз.

Сайлов кунларига ногиронлар учун чиқиш ва сайловни ўтказиш учун навбатчи транспорт хизмати ташкил қилинмоқда. Сайловга қорловчи шиорлар ва плакатлар марказий кўчаларда, маҳаллаларда аҳоли гавжум жойларга ўрнатилди.

Марғуба ҚОРАБОЕВА,
Чилонзор туманидаги
126-мактаб ўқитувчиси

Эндиликда банк қарз олувчининг ва гаровга қўйувчининг суғурта компанияси ёки баҳоловчини танлаш ҳуқуқини чекламайди.



Ўсмадда бир табиб бор эмиш, энамни олиб, ўша ёққа жўнадик. Жиккак гавдали, мўрчадеккина энам шифокордан кўрқади. Менимча, фобияга шифокор эмас, шприц сабаб бўлса керак. Табиб гиёҳ билан даволайди, кўнглингиз чопмаса, эшон бобо эканлар, дуоларини олиб қайтасиз деб, бир амаллаб кўндирдик.



Хуллас, табибнинг ҳовлиси-га етиб келдик. Акам энамни ичкарига бошлади, мен боғни айландим. Кечки олмалар гарқ пишган, япроқлар сарғайиб, тўкилиб бораётган бўлса ҳам мевалар дарахтда ҳамон осилиб турибди. Қиров эмаса, узиш-майди, шекилли.

Дарахтлар тагига ёғоч ўриндиқлар қўйилган бўлиб, деярли ҳаммаси одамлар билан тўла эди. Кимдир водийдан, кимдир воҳадан ўз дардига шифо истаб келган.

Боғни айланиб бўлгач, бир чеккага ўтдим. Телпак кийиб олган бир киши эйтиборимни тортди. Октябрь ойи бўлса ҳам

ҳаво телпак киядиган даражада совуқ эмас, аксига олиб, куёш чарақлаб турибди.

Бу одамнинг боши оғриса керак, деб ўйладим. У бақувват панжалари билан ўриндиқни маҳкам ушлаб, қосини чимирганча, бошини қўйи солиб ўтирар, семизлигидан ҳансираб нафас оларди. Олтмиш ёшлар атрофидаги бу кимсанинг юзи ранги ўчган оштовокни эслатди.

У бироз ўтиргач, уф тортиб, ўрнидан турди-да, филдай оғир қадам ташлаб, нариги тарафдаги эшикка кириб кетди. Ҳаял ўтмай, елкасига сумка осиб чиқди, атрофга ўғринча назар

ташлаб, жуда хомуш алпозда ҳовлини тарк этди.

Табиб энамга гиёҳлардан тайёрланган беш бакалажка дама-лама берибди. Энамни олиб уйга қараб йўл олдик.

Йўлда ўша телпкали кишини кўриб қолдим. У бизнинг машинага қўл кўтарди. Акам машинани тўхтатди.

— Трассагача опкетинглар, — деб, машина эшигини очди. Салом аликдан сўнг йўл-йўлақай ундан-бундан гаплашиб кетдик. Бошида катта яраси бор экан, қаердан пайдо бўлганини билмайди, уч йилдан бери умри азобда ўтаётган эмиш. Бормаган жойи қолмабди, ҳатто, яқинда Ҳиндистонга бориб келибди, бечора.

«Ҳиндистонда ҳам давоси топиладими?» дедим ҳайратимни яширмай.

— Операция қилдирмоқчи эдим.

— Нима дейишди? Иложи йўқ дейишдими?

— Иложи бор дейишди, лекин ярани калла билан опташлар керак экан.

Озгина кулишдигу, энамдан балога қолаёздик:

— Ҳазилларинг қурсин, ҳар гапга фаришталар омин дейди болам!

«Табиб нима дейди?», дедим унга раҳим келиб.

— Кетаяпман. Бир ойдан буён даволаман, натижа бўлмади. Табиб яна бир ой ётасан дейди. Менда сабр йўқ.

«Энди қасрга борасиз?», деди акам.

— Билмасам...

«Оғрийдими, болам?» сўради энам.

— Кечаю кундуз оғрийди. Айниқса кечкурун.

Анча вақт жим бўлиб кетдик. У манзилига етганда биз билан хайрлашаркан, энамга қараб:

— Бу дардни менга Худо жазо қилиб берган. Кўчадан шайтонни сувини ичардим-да уйга келиб раҳматли келинингизни бошига тепардим, она!... — деди-ю, ҳеч кимнинг юлатишини кутмай машинадан узоқлашди...

Шоһиёз МЕЛИБОВ

Қизимнинг бироз ловия ва гуруч олиб, мис патнисга қўяётганини ва унга яна бақлажон, бодринг ҳамда ўрик доналарини ҳам қўшаётганини кўрдим. У уйдан чиқишга шошиларди! Ҳайрон бўлиб ундан сўрадим:

Эҳсон муҳаббат билан берилади

— Бу кимга?
— Қоровулга! Бувим мени шунга буюрдилар.

Яъни, аввалги ҳолатда олиб кетганингда қоровул овқатининг қолган-қутганини

« — Бир неча ликопча келтир ва ҳар бир нарсани шунга сол, патнисни тартибга келтир, бир стакан сув, қошиқ ва пичоқ ҳам қўшиб қўй. »

— Бир неча ликопча келтир ва ҳар бир нарсани шунга сол, патнисни тартибга келтир, бир стакан сув, қошиқ ва пичоқ ҳам қўшиб қўй.

У шундай қилиб чиқиб кетди. Қайтач, мендан нима учун бундай қилдирганимни сўради:

— Қизалоғим, таом — бу молнинг садақасидир, тартиб эса — ҳис-туйғулар эҳсони. Биринчиси қоринни тўлдирса, иккинчиси қалбни тўлдирди.

менга келтиришди, деган ҳаёлга борарди. Иккинчи ҳолат эса унинг яқин дўст ёки азиз меҳмон эканини ҳис эттиради. Бу ерда молни бериш ва руҳни бериш орасида катта фарқ бор. Бу эса Аллоҳ олдида ва фақир инсон олдида буюк ишдир!

Шундай экан, қилаётган эҳсонингиз хорлик ва пастлик эмас, муҳаббат ва меҳр билан тўла бўлсин!

Эшикни очмаймиз!

Келин-куёв турмуш қурганларининг биринчи куниде эшикни ҳеч кимга очмасликка қарор қилишди.

Биринчи бўлиб куёвнинг ота-онаси ёш оилани кўришга келди. Келин-куёв бир-бирига қаради, куёв эшикни очишни истади, лекин қарорлари туфайли шаштидан қайтди. Шундай қилиб, ота-она кўп кутмай қайтиб кетишди.

Ўша кунни бироз вақтдан кейин келиннинг оиласи келди. Келин-куёв бир-бирига термулди. Келин кўзида ёш билан «бундай қилолмайман», деб эшикни очди. Куёв ҳеч нима демасди...

Йиллар ўтиб эр-хотин бирин-кетин тўрт ўғил кўришди. Кейин тўрт ўғил ортидан қиз фарзанд дунёга келди. Ота-яниги туғилган чақалоқ учун катта тантана ўтказишни истади ва ҳамма танишларини таклиф қилди. Хотини эридан нима учун 4 ўғлига бундай тантана ўтказмай, бу сафар қилганини сўради. Эр ўйчан нигоҳ билан шундай жавоб берди:

— Чунки қизим менга эшик очади!

Энди тадбиркор аҳолидан нақд пулни қабул қилишда онлайн-назорат касса машинасини қўллайд.

Б-ХАВО

29 ноябрь	☀️ +8°C	🌙 -5°C
30 ноябрь	☀️ +10°C	🌙 -2°C
1 декабрь	☀️ +13°C	☁️ +5°C
2 декабрь	☀️ +17°C	🌙 +4°C
3 декабрь	☀️ +16°C	☁️ +4°C
4 декабрь	☀️ +17°C	☁️ +7°C
5 декабрь	☀️ +18°C	🌙 +7°C

ob-havo.uz сайтидан олинган.



Муассислар:

Фуқаролик жамиятини ривожлантириш маркази.
Ўзбекистон Республикаси Президенти ҳузуридаги Давлат бошқаруви академияси.

Ўзбекистон Нодавлат нотижорат ташкилотлари миллий ассоциацияси.
Ўзбекистон Мустақил босма оммавий ахборот воситалари ва ахборот агентликлари қўлабқувватлаш ва ривожлантириш жамоат фонди.

Ўзбекистон Савдо-саноат палатаси.
«Маҳалла» хайрия жамоат фонди.
Тадбиркорлар ва ишбилармонлар ҳаракати — Ўзбекистон Либерал-демократик партияси.
Ўзбекистон экологик ҳаракати.
Ўзбекистон Республикаси Экология ва атроф-муҳитни муҳофазა қилиш давлат қўмитаси.

«Фуқаролик жамияти — Гражданское общество — Civil society» журнали.

Бош муҳаррир Мақсуд ЖОНИХОНОВ

Тахрир хайъати:

Рустам Комилов
Рустам Қосимов
Борий Алихонов
Акмал Саидов
Шавкат Жавлонов

Газета тахририятнинг компьютер бўлимида саҳифаланди.

«Шарк» нашриёт-матбаа акциядорлик компанияси босмаҳонасида чоп этилди.
Манзил: Буюк Турон кўчаси 41.
Буюртма рақами Г-1114 Адади: 1403.

Жума кунни чиқади.
Қоғоз бичими А-3, ҳажми 2 босма табоқ. Баҳоси келишилган нархда.

Газета Ўзбекистон матбуот ва ахборот агентлигида 2006 йил 0010-рақам билан рўйхатга олинган.

ISSN 2010-7722

Навбатчи: Нуриддин Убайдуллаев

Дизайнер: Беғали Эшонқулов

100000, Тошкент шаҳри Матбуот-чилар кўчаси 32.
Маълумот учун телефонлар:
(71) 233-72-77,
233-91-55

Реклама ва эълонлар учун:
Электрон почта: jamiyat@umail.uz

Газета индекси — 131
«ЖАМИЯТ»дан олинган маълумотларда манба сифатида газета номи кўрсатилиши шарт.

ЎЗА якуни:
Топширилган вақти: 21:25
1 2 3 4 5

